

# Powšitkowne WOZJEWJENJA

njedźelu, 17. septembra 2023

## Wusyłanje Božeje mše

Serbskorěčnu Božu mšu móža wěriwi tutu njedźelu, 17. septembra, w 9.00 hodź. z Chrósćic jako livestream scěhować. Link na nju je w interneće pod [www.posol.de](http://www.posol.de) a na wosadnej stronje podaty.

## Tomaš Žur wuhotuje beneficy koncert

Něhdyši organist Berlinskeje katedrale swjateje Jadwigi Tomaš Žur zarjaduje sobotu, 23. septembra, w 15 hodź. w klóštrje Marijinej hwězdze w Pančicach-Kukowje zhromadnje ze swojej mandželskej Roswithu beneficy koncert na dobro 775 lět wobstajaceho klóštra. Tema koncerta z rozmyslowacymi a lóštnymi basnjemi je „Rěka žiwjenja“.

## Zhromadny dzeń za 1. a 2. lětnik

Dekanatne dušepastyrstwo za džěci zarjaduje za 1. a 2. lětnik dzeń pod heslom „Džak Ći, Božo“. Wón wotměje so sobotu, 30. septembra, wot 9.00 do 15.00 hodź. we Worklečanskim Don Boskowym domje. Za wudawki zběraja wot kóždneho wobdźěl- nika přinošk pjeć eurow. Zajimcy měli so hač do njedźele, 24. septembra, online přizjewić. Link nańdu pod [www.posol.de](http://www.posol.de).

## Nyšpor z požohnowanjom konjacych zapřahow

Towarstwo Cyrila a Metoda z.t. přeprašuje wšitkich wěriwych zaso na wosebity nyšpor domchowanki z požohnowanjom konjacych zapřahow. Tón budže njedźelu, 24. septem- bra, w 14.00 hodź. w Chrósćicach na łuce při Hatkach.

## Zetkanje samostejacych

Samostejacy ze serbskich wosadow su na swoje přichodne zetkanje wutoru, 26. sep- tembra, w 14.00 hodź. do Smochčanskeho kubłanišća swjateho Bena přeprašeni. Zajimcy njech so hač do wutory, 19. septembra, w redakciji Katolskeho Posoła přizje- wja, telefonowe číslo (0 35 91) 55 02 12. Dalši zajimcy kaž tež Ći, kotřiž njejsu samoste- jacy, su tohorunja wutrobnje witani. Kóždy njech sej Wosadnik sobu přinjese. Štóž chce wotewzaty być, njech to prošu zdžěli.

## Kniha „Mór a lubosć“ z pokazku na film

W nowej knize wo dźiwadłowej hrě „Mór a lubosć“, kotruž je Towarstwo Cyrila a Me- toda z.t. (TCM) spočatk septembra wudało, je QR-code podaty, kotryž wjedže na film wo tutej hrě. Najprjedy předleži přenja serbskorěčna wersija, dalša z druhej wobsadku a přidatnje němskorěčna wersija budžetaj bórže dozhotowjenej. Něhdže 280stronsku knižnu dokumentaciju z wjace hač 400 fotami předawa TCM za 30 eurow pola časnikarja Jürgen Njeka kaž tež w Zahrodnikec pječkarni w Chró- sćicach, w apotece w Pančicach-Kukowje, w redakciji Katolskeho Posoła w Budyšinje kaž tež pola Rafaela Ledźborja w Ralbicach.

## **Přednošk wo Hadamje Bohuchwale Šěrachu**

Stawizniska sekcija Maćicy Serbskeje přeprošuje na přednošk wo pčotarju, wučbnicarju, stawiznarju a fararju Hadamje Bohuchwale Šěrachu. Składnostnje 250. posmjertnin fararja předstaji jeho serbski superintendent na wuměnkku Jan Malink štwórtk, 21. septembra, w 19 hodź. na žurli Budyskeho Serbskeho domu.

## **Domowa spěwna šula startuje**

Katolska domowa hudźba při Budyskej tachantskej cyrkwi swjateho Pětra zahaji w oktobrje chórowy spěwny kubłanski projekt za džěci a młodostnych w šulskej starobje. Za tak mjenowanu domowu spěwnu šulu móža so zajimcy hač do njedźele, 24. septembra, přizjewić. Link k tomu kaž tež k stronje z nadrobnišimi informacijemi je pod [www.posol.de](http://www.posol.de) podaty.

## **Wukublanje JULEICA**

Worklečanske młodžinske dušepastyrstwo přewjedže tež klětu zaso za zajimcow kurs JULEICA. Na nim móžeš sej kmanosće k nawjedowanju skupin džěci a młodostnych přiswojić. Wukublanje wobsteji z dweju dželow a wotměje so stajnje wot pjatka do njedźele, 2. do 4. februara, kaž tež wot 26. do 28. apryla, w Smochćicach, tam z přenocowanjom. Zajimcy měli so nimo toho na kursu přenjeje pomocy wobdźelić. Tón budže sobotu, 2. měrca, we Worklečanskim Don Boskowym domje. Přizjewjenja přijimuju online. Link je pod [www.posol.de](http://www.posol.de) podaty.

## **Kurs za pory k skrućenju počaha**

Smochčanske kubłanišćo swjateho Bena přeprošuje pory, kotraž chcedža jich počah skrućić, na kurs „Mjez sobu so zrozumić – partnersce komunikować“, kotryž wotměje so wot pjatka do njedźele, 27. do 29. oktobra. Komunikaciski trenar kursa, filozof a teologa Bernhard Holfeld, jón nawjeduje. Link na stronu je pod [www.posol.de](http://www.posol.de) podaty.

## **Pomocna akcija TCM po přirodnej katastrofje w Awstriskej a Słowjenskej**

Towarstwo Cyrila a Metoda z.t. (TCM) chce ze swojej akciju „Łužica pomha“ wopory njewjedrow a powodzenjow w Słowjenskej a Awstriskej podpěrać a prosy wo pjenježne dary. Tute móže darićeljo na konto TCM přepokazać: Cyrill-Methodius-Verein e.V., IBAN: DE 65 750 90 300 000 828 23 66, hesło: „Zhromadnje“. Za wustajenje darowan-skeje kwitowanki měli zajimcy TCM swoju adresu podať, pak telefonisce pod čisłom (0 35 91) 55 02 10 pak z mailku na [TCM@Posol.de](mailto:TCM@Posol.de).